

Pagsasao a Norwego

Ti **Norwego**^[2] (*norsk*) ket Amianan a Hermaniko a pagsasao a kaaduan a naisasao idia Norwega, nga idia ket opisial a pagsasao daytoy. No kakuyogna ti Sueko ken Danes, ti Norwego ket mangporma ti lugar iti adu wenno basbassit a maitunos a pannakaawat iti llokal ken dagiti rehional a karuay.

Dagitoy a sasao nga Eskandinabia a kakuyogna ti pagsasao Peroes ken pagsasao nga Islandes, ken dagiti pay natayen a pagsasao, ket mangbukel ti sasao nga Amianan a Hermaniko (tinawtawagan pay ti sasao nga Eskandinabia). Ti Peroes ken ti Islandes ket saan unay a maitunos a maawatan iti Norwego ken ti naisasao a pormana gapu ta ti kontinental nga Eskandinabia ket naiyallatiwen kaniada.

Kas binagon babaen ti linteg ken ti annuroten ti gobierno, adda met dagiti dua nga opisial a porma ti *naisurat* a Norwego – ***Bokmål*** (literal a "dila ti libro") ken ***Nynorsk*** (literal a "baro a Norwego"). Ti Ti Konseho ti Pagsasao a Norwego ket isu ti akin-rebbeng para iti panagtaripato kadagitoy dua a porma, ken mangisingasing kadagiti termino a "Norwegian Bokmål" ken "Norwegian Nynorsk" iti Ingles. Adda pay dagiti dua a sabali a naisurat a porma nga awan ti kasasaad, ti nangruna ket ti ***Riksmål*** ("nailian a pagsasao"), a daytoy ket asasideg iti pagsasao a Danes ngem tatta nga aldaw ket kapadpada metten a pagsasao iti Bokmål. Daytoy ket tinartaripato babaen ti Norwego nga Akademia, a mangipatarus ti nagan a kas "Alagaden a Norwego". Ti sabali pay ket ti ***Høgnorsk*** ("Nangato a Norwego") a daytoy ket ad-adu a purista a porma ti Nynorsk, a mangtaripato ti pagsasao iti maysa a kasisigud a porma a kas inted babaen ni Ivar Aasen ken mangliklikud kadagiti kaaduan a reporma manipud iti maika-20 a siglo. Daytoy a porma ti Nynorsk ket limitado laeng ti pannaka-usarna.

Norwego	
<i>norsk</i>	
Pannakabalikas	[nɔʂk] (Akin-daya a Norwego) [nɔʁsk] (Lumaud a Norwego)
Patubo iti	Norwega
Patubo a mangisasao	^[1]
Pamilia	Indo-Europeano <ul style="list-style-type: none">Hermaniko<ul style="list-style-type: none">Amianan a Hermaniko<ul style="list-style-type: none">Laud nga Eskandinabia<ul style="list-style-type: none">Norwego
Dagiti alagaden a porma	Nynorsk (opisial) / Høgnorsk (saan nga opisial) Bokmål (opisial) / Riksmål (saan nga opisial)
Panagsurat	Latin (Norwego nga abesedario) Norwego a Braille
Dagiti napirmaan a porma	Napirmaan a Norwego
Opisial a kasasaad	
Opisial a mangisasao	 Norwéga Konseho ti Nordiko
Nagalagad	Konseho ti Pagsasao a Norwego (Bokmål ken Nynorsk) Norwego nga Akademia (Riksmål)
Kodkodigo ti pagsasao	
ISO 639-1	no, nb, nn
ISO 639-2	nor, nob, nno
ISO 639-3	nor – mangiraman a kodigo Agmaymaysa a kodkodigo: nob – Bokmål nno – Nynorsk
Linguaesperio	52-AAA-ba aginggana ti -be; 52-AAA-cf aginggana ti -cg

Dagiti nagibasaran

1. Norwego (<https://www.ethnologue.com/17/language/nor/>) iti *Ethnologue* (maika-17 nga ed., 2013)
Bokmål (<https://www.ethnologue.com/17/language/nob/>) iti *Ethnologue* (maika-17 nga ed., 2013)
Nynorsk (<https://www.ethnologue.com/17/language/nnn/>) iti *Ethnologue* (maika-17 nga ed., 2013)
2. Rubino, Carl Ralph Galvez (2000). "Norwego". *Ilocano Dictionary and Grammar: Ilocano-English, English-Ilocano*. University of Hawai'i Press. p. 707. ISBN 978-0-8248-2088-6.

Bibliograpia

- Olav T. Beito, *Nynorsk grammatikk. Lyd- og ordlære*, Det Norske Samlaget, Oslo 1986, ISBN 82-521-2801-7
- Jan Terje Faarlund, Svein Lie, Kjell Ivar Vannebo, *Norsk referansegrammatikk*, Universitetsforlaget, Oslo 1997, 2002 (maika-3 nga edision), ISBN 82-00-22569-0 (Bokmål ken Nynorsk)
- Rolf Theil Endresen, Hanne Gram Simonsen, Andreas Sveen, *Innføring i lingvistikk* (2002), ISBN 82-00-45273-5
- Arne Torp, Lars S. Vikør (1993), *Hovuddrag i norsk språkhistorie (3.utgåve)*, Gyldendal Norsk Forlag AS 2003

Dagiti akinruar a silpo

- Diksionario ti Norwego-Ingles (2) (<http://www.websters-online-dictionary.org/definition/Norwegian-english/>)
- Apertium (<http://apertium.org/>) Patarus kadagiti balikas, teksto wenno dagiti website (URL) kadagiti nagbaetan ti Norwego a Nynorsk ken Norwegio a Bokmål.

Naala manipud iti "https://ilo.wikipedia.org/w/index.php?title=Pagsasao_a_Norwego&oldid=343162"

Daytoy a panid ket naudi a naurnos idi 8 Oktubre 2019, 05:17.

Ti teksto ket magun-od babaen ti Lisensia ti Creative Commons Attribution-ShareAlike; dagiti mainayon a termino ket mabalin pay a maipakat. Kitaen dagiti Termino ti Panagusar para kadagiti salaysay.